

प्यारो घणो लागे जी नारायण,
थांको मालासेरी दरबार ॥

मंदिरिया के आजु बाजू,
सरोवर भरिया हजार,
ऊँची ऊँची लहरें चाले,
ठण्डी चाले फुवांर,
प्यारो घणो लागें जी नारायण,
थांको मालासेरी दरबार ॥

भांत भांत का रुक भरकड़ा,
पायो नही कोई पार,
कोयल मोर पपहिया बोले,
बोले राग मलार,
प्यारो घणो लागें जी नारायण,
थांको मालासेरी दरबार ॥

भोजा जी गोड़ी पर बैठा,
बगड़ावत सरदार,
मंदिर माही बैठी साडू माता,
महिमा अपरम्पार,
प्यारो घणो लागें जी नारायण,
थांको मालासेरी दरबार ॥

लंबो चोडो मंदिर थांको,
चौड़ा है चौबार,
एक साल में दो- दो मेला,
आवे लाखों नरनार,
प्यारो घणो लागें जी नारायण,
थांको मालासेरी दरबार ॥

राती जगा और जात जडूला,
आवे रोज अपार,
चम्पा लाल मालासेरी वालो,
थांका गावे मंगलाचार,
प्यारो घणो लागें जी नारायण,
थांको मालासेरी दरबार ॥

प्यारो घणो लागे जी नारायण,
थांको मालासेरी दरबार ॥

प्रेषक चम्पा लाल प्रजापति,
प्रजापति म्यूजिकल ग्रुप भीलवाड़ा,
(राज.) 89479-15979

Source:

<https://www.bharattemples.com/pyaro-ghano-laage-ji-narayan-thako-darbar/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>